

摘藻堂四庫全書薈要

集部

欽定四庫全書薈要卷一萬五千五百五十七

集部

劔南詩藁卷六十七

宋 陸游 撰

倚筇

老翁愈老欲安歸，歸臥稽山飽蕨薇。  
未免解牛逢肯綮，豈能相馬造精微。  
靈山有士拈花笑，闕里何人鼓瑟希。  
我亦倚筇桑竹下，白髯蕭颯滿斜暉。

薄暑

仲夏暑尚薄孤村日尤長僧坊初施浴行路亦饋漿老  
我絕人事終日坐虛堂南北兩松棚細細吹清香堂中  
無長物獨置湘竹床我睡僕亦休睡覺誰在傍起坐拭  
兩眦小山鬱蒼蒼安得烏有生俱老無何鄉

晝寢

倦腕擎書忽墮前心清無夢腹便便丹成未要排雲去  
且住人間作睡仙

又

困睫芒羊一欠伸  
頽然忽已墮紗巾  
鼻端雷動君無怪  
路熟華胥不問津

睡起

睡起偃偃扇  
嬾搖枕痕著  
面未全消山  
丹石竹俱零落  
孤蝶飛來伴寂寥

又

蒲萄換葉欲成陰  
歲月催人感慨深  
安得門前無俗客  
岸巾臨水聽蟬吟

林間書意

三三兩兩市船回水際柴門尚未開垂綠筍梢風正惡  
弄黃梅子雨初來紅螺盃小傾花露紫玉池深貯麝煤  
領取林間閒富貴向來誤計伴鄒枚

又

小山草木一窗秋團扇江山萬里愁不讀狐書真僻學  
未登鬼錄且閒遊少隨官牒嗟無策晚脫朝衫喜自由  
半嶺嘯聲驚阮籍要知天下有高流

示子適

吾家太傅後衿佩盛青青我忝殿諸老汝能通一經學  
先嚴誥訓書要講聲形夙夜常相勉諸孫待典刑

追涼小酌

綠樹暗魚梁臨流追晚涼持盃屬江月散髮據胡床苦  
蕒醃蠶美菖蒲漬蜜香醉來呼稚子扶我上南塘

暑夜泛舟

暑氣方然一鼎湯聊呼艇子夜追涼微風忽起髮根冷

關月初升林影長  
漸近場中聞笑語  
却從隄外看帆檣  
超然自適君知否  
身世從來付兩忘

又

烈暑元知不可逃  
天將清夜付吾曹  
小舟行處浦風急  
健鶻歸時山月高  
愚智極知均腐骨  
利名何翅一秋毫  
等閒分得吳松水  
安得并州快剪刀

短歌行

冠一免不可以復冠  
門一杜不可以復開  
山林兀兀但

俟死臺省袞袞吁可哀巨材倒壑亦已矣萬牛欲挽真  
難哉阿房銅人其重各千石回首變化為風埃吾曹浮  
脆不自悟乃欲冠劔常崔嵬勸君飲勿用盃酌但當手  
提北斗魁挹乾東海見蓬萊安用俛首為低摧

小江

細靄斜陽一片秋數家茅屋小江頭艣聲遠入菰蘆夾  
鳥陣斜飛蘭杜洲暫住便成閒嘯詠欲歸更復小遲留  
老翁脚力猶能健明日重來倚寺樓



歸興

輕雷輾輓斷梅初殘籜縱橫過筍餘

鄉語謂梅雨有雷為斷梅又謂筍出

林為過筍飽有期程新買犢睡無厭足久捐書白蘋滿渚閒

揮榜綠樹連村獨跨驢夏日儘長歸亦莫水邊燈火已

疎疎

又

古道迢迢人跡稀羸驂欹帽遠村歸正看日暮羊牛下  
又見月明烏鵲飛僧院疎鐘出林岫漁家微火耿窗扉

閒遊要是幽人事草露從教溼短衣

自春來數夢至閩中蒼溪驛五月十四日又夢作  
兩絕句記之

騎驢夜到蒼溪驛正是猿啼月落時三十五年如電掣  
敗牆誰護舊題詩

又

亭臯敗葉先秋實城上驚鳥半夜啼自笑遠遊心未已  
年來頻夢到蒼溪

自嘲

長日淡無事虛堂來遠風愛眠從病蹇厭事懶治龍貓  
健翻憐鼠庭荒不責童爾來添目暗又免送歸鴻

又

身臥孤村日年當大耋時貧憂償酒券嬾悔許僧碑輸  
稅質畊犢飯醫烹伏雌勞生不須歎隨事且支持

雨霽

一雨洗炎蒸危闌偶獨憑涼颼生萃蔡爽氣入鬢鬢曾庭

下宵遊燐盤中晝埽蠅絕勝塵土裏馬上嚼寒冰

大雨

萬壑風聲遠千林雨脚長  
溝盈懸甕竈屋漏徙衣囊  
未說豐年喜先便永夜涼  
清秋病小愈起拖上瀟湘

社飲

世上升沉一轆轤古來成敗幾  
擣補試看大醉稱賢相  
始信常醒是鄙夫

淵明詩云一士常獨醉一夫終年醒

起舞非無垂白伴

莫歸仍有髣髴扶即今不乏丹青手誰畫三山社飲圖

采藥有感

蒹葭記霜露蟋蟀謹歲月古人于物理瑣細不敢忽我  
少讀蒼雅衰眊今白髮中間嬰疾疾過日常卒卒澗毛  
春可求山藥秋可掘雖云力探討疑義未免闕屏居朋  
友散奧妙誰敢發窮理已矣夫置鱣當自罰

觀邸報感懷

六聖涵濡壽域民耄年肝膽尚輪囷難求壯士白羽箭  
且岸先生烏角巾幽谷主盟猿鶴社扁舟自適水雲身

却看長劒空三歎上蔡臨淮奏捷頻

送子適至梅市而歸

梅市長隄愴別情魯墟歸路當閒行日沉菱浦看魚躍  
煙合菰葑聞獺鳴蘸水門扉初半掩擁橋炬火已先迎  
停橈不奈清愁得獨倚闌干待月明

述間

披衣按摩罷據榻欠伸餘香煥翻心字茶凝出草書容  
稀門每閉意悶髮重梳賴有盆山樹幽情得少攄

幽居

謝病言歸一鹿車  
短籬數掩護幽居  
樹枝南畔有飛鵲  
蓮葉東邊多戲魚  
倦枕續成驚斷夢  
斜風吹落讀殘書  
興來偶曳枯筇出  
父老逢迎却未踈

午暑

笛材織簟涼如水  
霧縠縫幮薄若空  
更著高安竹根枕  
不妨專享北窗風

舟過道士莊

江籬芳杜滿沙汀  
道士莊前酒半醒  
上下風煙還竟日  
往來魚鳥各忘形  
歸人薄晚常爭渡  
病葉先秋亦自零  
興欲盡時猶小住  
北村漁火看青熒

晨興

晨興未櫛盥扶杖  
竝檐立斷雲方東  
行庭草露猶溼朝  
飢神益爽清虛自  
來入可憐數雞雛  
隨母啄遺粒蝶殘  
蚍蜉喜鼠腐鷓鴣  
集吾當一洗之漱  
泉開玉笈

對酒



斷簡殘編不策勛東臯猶得肆微勤榮枯一枕春來夢  
聚散千山雨後雲煙水幸堪供眼界世緣何得累心君  
床頭小瓮今朝熟撥置閒愁且一欣

泛舟

水長芳洲沒風生釣艇橫偶尋東埭去却作北村行宿  
鳥昏方定流螢雨更明歸來未覺晚傳漏下重城

地僻

地僻臨湍瀨門幽長綠苔客書疑誤達僧刺媿虛來清

露蘋花坼斜陽燕子回自憐猶有恨佳日對空罍

東軒

終日在東廂閒消百刻香一枰分黑白雙硯列朱黃荷  
氣侵簾馥桐陰覆井涼前知今夕夢孤榜上瀟湘

季夏雜興

蟻鬪知將雨蟲鳴覺近秋衰翁非愛酒無計奈孤愁

又

嶢嶢瘦驢嶺莽莽老牛陂

嶺在施黔間  
陂在汝州

四海均羈旅何

人感此詩

又

熟睡一炊頃清談數刻間未言能近道要得暫身閒

又

疏泉澆藥壟枕石聽松風此樂慙專享無因與客同

夏夜暑毒不少解起坐庭中

窗間有螢過枕上見星流欲睡不堪熱長歌起飯牛

又

風從高樹下蟲抱短莎鳴小據胡床坐還扶拄杖行

素飯

放翁年來不肉食盤箸未免猶豪奢松桂輒炊玉粒飯  
醯醬自調銀色茄時招林下二三子氣壓城中千百家  
緩步橫摩五經笥風爐更試茶山茶

曾樂道近  
餽茶山茶

老態自遣

似見不見目愈衰欲墮不墮齒更危誰令汝年八九十  
常欲強健寧非癡目昏大字亦可讀齒搖猶能決濡肉

若知用短百無憂此理正如夔一足矇矓毘俱有味  
笑侮莫聽傍人喙但令孫曾能力畊一飽不妨還美睡  
耒陽令曾君寄耒譜農器譜二書求詩

歐陽公譜西都花蔡公亦記北苑茶農功最大置不錄  
如棄六藝崇百家曾侯奮筆譜多稼儋州讀罷淡咨嗟  
一篇秧馬傳海內農器名數方萌芽令君繼之筆何健  
古今一一辨等差我今八十歸抱耒兩編入手喜莫涯  
神農之學未可廢坐使耒俗慙浮華

雨夜

羸軀對影愴餘齡  
追念平時只自驚  
夏木正濃桐葉墜  
秋風未起草蟲鳴  
蠹魚似是三生業  
汗馬難希百世名

時王師  
方出塞

小雨迎涼何所作  
北窗還對短燈檠

柴門

寂寞柴門不徹扃  
槐花細細糝空庭  
晚梅摘得鹽供飮  
濁酒沽來草塞瓶  
病已廢耕拋襪襖  
閒猶持釣愛琴箏  
經旬莫恨無來客  
交舊疎如欲旦星

賽神

落日林間簫鼓聲  
村村倒社祝西成  
扶翁兒大兩髦髻  
溉水渠成千耦耕  
家受一廛修本業  
鄉推三老主齊盟  
日聞淮潁歸王化  
要使新民識太平

菖蒲

古碣生菖蒲根瘦節感密  
仙人教我服刀七蠲百疾  
陽狂華陰市顏朱髮如漆  
歲久功當成壽與天地畢

又

菖蒲古上藥結根已千年聞之安期生采服可以仙斯  
人非世人兩耳長垂肩松下語未終竦身上青天

迂拙

迂拙宜歸早瘖除得死遲老稀朝市夢窮足道途詩譁  
世無它技忘懷自一奇故溪幽絕處惟許白鷗知

夏夜

六尺筇枝膝上橫中庭岸幘聽鼃更露零金掌漢宮曉  
月度銀河秦塞明菡萏晚花香未減梧桐病葉墮無聲



關河又見新秋近  
屈指流年一歎驚

夏末野興

半世天涯倦遠遊  
還鄉不減旅人愁  
數聲相應鳩呼雨  
一片初飛葉報秋  
山塢風煙僧院路  
河梁燈火酒家樓  
絕知雪鬢宜簔笠  
分付貂蟬與黑頭

又

漠漠川雲闔復開  
天公試手挽秋回  
參差小市林邊出  
縹緲疎鐘雨外來  
土塹飯香供晚餉  
布帘字大賣新醅

歸舟自逐輕鷗去不用城笳抵死催

示子孫

節屋惟須補漏穿家人衣食亦隨緣豈容一事相關白  
已過傳家十二年

夜雨

藩籬處處蔓牽牛蕙苴叢深稗穗抽只道物生常茂遂  
一宵風雨又成秋

劇暑

六月暑方劇喘汗不支持逃之顧無術惟望樹影移或  
謂當讀書或勸把酒卮或誇作字好蕭然却炎曦或欲  
溪上釣或思竹間碁亦有出下策買簞傾家貲赤脚踏  
層冰此計又絕癡我獨謂不然願子少置思方今詔書  
下淮汴方出師黃旗立轅門羽檄晝夜馳大將先擐甲  
三軍隨指揮行伍未盡食大將不言飢渴不先飲水驟  
不先告疲吾儕獨安居茂林蔭茅茨脫巾濯寒泉臥起  
從其私于此尚畏熱鬼神其可欺坐客皆謂然索紙遂

成詩便覺窗几間颯颯清風吹

六月十夜風月佳甚起坐中庭有作

曼膚汗雨不勝揮夜景泠然暫解圍漱罷寒泉甘齒頰  
夢回斜月入窗扉荷翻小浦孤螢度露溼危巢倦鶴歸  
我亦馭風思遠適岳陽樓上酌湘妃

古井

道傍有古井久廢無與汲鄰里共浚之寒泉稍來集駕  
言欲漱濯冀遠塵土襲躊躇復棄去綆短安能及

菴中紀事用前輩韻

掃灑一菴躬，瑣細蓬戶朝昏手。開閉荒山斲藥須，長鑿  
小竈煎茶便。短袂空中吐吐安，用書身外悠悠固難計。  
山僧野叟到即留，麥飯葵羹貴能繼。久貧奴婢多散去，  
豈有跣足并椎髻。負薪長歌過此生，直疑身在鴻荒世。

急雨

觸熱支離老病增，忽看東北片雲興。疾雷載雨輸膏澤，  
茂樹生風洗鬱蒸。采藥喜逢岐下客，說詩曾對剡中僧。

坐令身在羲皇上繞坐何煩更設冰

舍東追涼

驕陽收火傘清露貯冰壺海湧四更月風生千頃蒲歌  
狂忘老境意豁失窮途所恨朋儕盡無人為攬鬚

酒藥

愁憑酒破除病藉藥枝梧焦革死已久宋清今亦無幽  
情寄魚鳥小艇雜菰蒲海上秋風早懸知肺渴蘇

六月十七日大暑殆不可過然去伏盡秋初皆不

過數日作此自遣

赫日炎威豈易摧  
火雲壓日正崔嵬  
嗜眠但喜蘄州簟  
畏酒不禁河朔盃  
人望息肩亭午過  
天方悔禍素秋來  
細思殘暑能多少  
夜夜常占斗柄回

急雨遽涼

急雨消殘暑  
曠然天地秋  
露螢矜熠熠  
風葉送颼颼  
涼簟惟添睡  
明河不洗愁  
流年又如此  
隨處怯登樓

縱遊深山隨所遇記之

行穿犖确度谿衍路跨清溪一木斜  
歷盡巖危到平地  
壞垣欹屋兩三家

又

山徑欹危細棧通孤村小店夕陽紅  
竹郎有廟臨江際  
木客無家住菁中

又

道逢山客束荆薪口眼睢盱略似人  
試問村名瞠不語  
割然長嘯上嶙峋



又

古寺蕭蕭不見僧  
飛甍滿屋老梟鳴  
空房終夜無燈火  
斷木支門睡到明

感中原舊事戲作

蜂兒園裏香塵細  
燕子樓中寶瑟斜  
惟有天知太平事  
乞傾東海洗黃沙

小涼

羸軀一夏困沉緜  
不在林間即水邊  
高臥已忘浮世事

小涼漸近早秋天  
桔槔軋軋鳴幽圃  
舴艋遙遙入暮煙  
餘日無多那諱得  
逢人自笑說明年

村居

人笑無才自笑狂  
槿籬竹塢得深藏  
自從病後辜風月  
未免愁中讀老莊  
行圃數畦秋菜長  
泛溪十里晚荷香  
叢書坐嬾無由續  
且補忠州手錄方

城東

出郭溶溶細縠波  
平生此地幾經過  
祭餘野廟啼烏樂

酒賤村墟醉叟多  
亭午疎鐘離石佛  
斂昏微雨泊曹娥  
采蓮艇子愁衣溼  
不為人家惜綠荷

初秋露坐作短歌

房星縱心星橫斗牛闌  
干河漢明青天露坐性所樂  
不覺庭樹秋風生  
秋風搖落君勿悲  
明年花開還滿枝  
人生衰謝則已矣  
寧復鬢髮童顏時

池上

旋移吟榻竝池橫  
欲出柴門復嬾行  
樹罅忽明知月上

竹梢微動覺風生，貧無醉日惟堅忍。疾遇涼秋亦漸平。  
二尺燈檠元好在，便思相伴聽蛩聲。

秋稼漸登識喜

門外新場滑似油，早禾已慶十分收。虹霓不隔郊原雨，  
蝸蝻爭催巷陌秋。人樂風傳迎社鼓，路長水濺采蓮舟。  
老翁自笑無它事，欲隱牆東學儂牛。

野渡用前韻

十里平沙到渡頭，溪山合向畫圖收。老僧赴供袈裟古，

醉叟行歌襍稜秋斷岸煙迷耕處草孤村雨送釣時舟  
龍泉不斷元無恨莫放神光上斗牛

秋後一日風雨

炎歊數日劇蕩滌及秋初病葉風吹盡鳴蟬雨打疎  
涼謀社酒粢潤理園蔬分喜寧無處蒲中鱗鱗魚

感事

曾事高皇接雋遊君恩天地若為酬濟時已負終身媿  
謀已常從一笑休在昔風塵馳廐置即今煙雨暗畊疇

孤愁欲豁寧無地野店逢僧每小留

久無客至戲作

瘦影支離雪鬢繁頻年老病臥孤村雍容那有客聯騎  
剝啄尚無僧扣門濁酒香浮新社瓮晚瓜味敵故侯園  
茅檐蓬戶風煙晚小酌欣然對子孫

乍涼

涼風蘇病骨搖落起詩情一病輒數日幾詩終此生招  
呼丹竈客結束玉霄行預想溪橋路三更待月明

閒趣

絕迹市朝外結廬雲水間  
心平詩淡泊身退夢安閒  
有酒旋尋伴無門那說關  
桐江故不遠日莫趁潮還

溪上

溪上秋來風露清  
蕭然浴罷葛衣輕  
看雲舒卷了窮達  
見月虧盈知死生  
老去關心惟藥裏  
閒中消日付棊枰  
故人書札頻相問  
何日芒屨上赤城

秋詞

東吳七月暑未艾川雲忽興天晝晦蔽空雨點弩發機  
平地成渠屋穿背早禾玉粒自天瀉村北村南喧地碓  
大牲如阜酒如江相喚龍祠作秋賽

又

八月暑退涼風生家家場中打稻聲穗多粒飽三倍熟  
車軸壓折人肩頰常年縣符鬧如雨道上即今無吏行  
鄉閭老稚送歌舞竈釜日饜豬羊烹

又



卷二十七  
蓐收功成將整駕萬頃黃雲收晚稼公私逋負一洗空  
懷抱喜看兒姪姪從來婚聘不出鄉長自東家適西舍  
年豐人樂我作詩朝畊夜織誰能畫

秋思

詩人本自易悲傷何況身更憂患場烏鵲成橋秋又到  
梧桐滴雨夜初涼江南江北堠雙隻燈暗燈明更短長  
安得平生會心侶一尊相屬送年光

老學菴北窗雜書

本慕修真謝俗塵  
中年蹭蹬作詩人  
即今恨養金丹晚  
且向江湖作釣緝

又

偶住人間遂許時  
殘骸自笑尚支持  
直須消破黃蘗盡  
始是浮生結局時

又

茅竺遙夜養心君  
靜處工夫自策勛  
正喜殘香伴幽獨  
鴉鳴窗白又紛紛

又

小龍團與長鷹爪桑苧玉川俱未知  
自置風爐北窗下  
勒回睡思賦新詩

又

定交魚鳥欲忘形  
獨岸綸巾坐草亭  
不恨囊中無赤仄  
且欣案上有黃庭

又

松棚接屋得陰多  
石徑生苔奈滑何  
盡道疎籬宜細雨

晴時最好晒漁蓑

又

龜常曳尾豈非樂鶴已鍛翎徒自傷造物今知不負汝  
北窗雨夜默焚香

親舊見過多見賀強健戲作此篇

偶向人間脫駭機玉池中夜自生肥據鞍馬援雖堪笑  
強飯廉頗亦未非道貌安能希睥盎世緣但可付猗違  
它年不死君須記會在天津看落暉

元微之贈老人詩  
云天津橋上無人

識獨倚闌  
干看落暉

小病兩日而愈

病骨羸然山澤臞故應行路笑形模  
記書身大似椰子  
忍事癭生如瓠壺美酒得錢猶可致  
高人折簡孰能呼  
不如淨埽茅竺地臥看微香起瓦爐

秋興

脩蔓叢篁步步迷山村東下近魚陂  
釣歸恰值秋風起  
棊罷常驚日景移病葉辭枝應有恨  
候蟲吟壁故知時

殘年我亦悲搖落薄莫空囊又有詩

又

八十仍當過二時加餐安寢豈前知晨梳脫髮雖無數  
社瓮新醅已有期偶為買花經廢圃時因躡藕下清池  
尚餘一事終關念安得兒孫少別離

日用

舊好疎毛穎新知得麴生幽居無一事枕臂聽松聲

又

春穀灌園蔬日長閒有餘何妨忍揮汗合藥施鄉閭

又

貧知藜糝美渴愛粟漿酸食少從奴去人稀苦屋寬

又


空舍封書篋多年飽蠹魚還家窮不死讀盡舊藏書

劔南詩彙卷六十七

謹案卷六十六第十六頁後四行水邊茆屋兩三  
間刊本屋訛竹據宋詩鈔改







總校官庶吉士臣張能照

校對官編修臣裴謙

謄錄監生臣金拔

欽定四庫全書薈要

集部

劍南詩藁卷六十八

九

詳校官助教臣謝登雋



欽定四庫全書薈要卷一萬五千五百五十八

集部

劔南詩彙卷六十八

宋 陸游 撰

七月十一日見落葉

葉非一日盛夏則已然一葉復一葉及此搖落天晨

起坐堂上散若飛鳥翩昔時可藏鴟今欲不庇蟬顧視  
庭中艸亦復非阡眠百穀秋皆成是謂造化權豈為艸  
木計而欲求兩全物理貴見微勇退差為賢

龜堂一隅開窗設榻為小憩之地

楫欄簷蔔障斜陽旋置臨階八尺牀  
小展窗扉無大費  
略加苫蓋有餘涼  
老來愈覺歲時速  
夢裏不知途路長  
試問神遊向何處  
月明揮榜上瀟湘

南門晚眺

奚奴前負一胡牀  
門巷楸梧已漸黃  
不歷塵埃三伏熱  
孰知風露九秋涼  
蕭蕭浦溆漁歌晚  
漠漠陂塘稻穗香  
勿恨行雲吞素月  
夢回正愛雨淋浪

進德

進德工夫在日新正如更歷自知津迷時誤認毒為藥  
定後始知天勝人四壁不妨身落魄萬夫誰敵膽輪困  
遺經在匱君毋厭燈火青熒漸可親

次韻邢德允見贈

人間榮瘁固難窮歲月推遷即老翁馬駿初非凡眼識  
源深終與大川通細思渭北希高價終勝淮南誚發蒙  
莫學三山頑鈍叟一生空耗太倉紅

秋懷

居在三家聚門纔一木橫用寬緣歲樂斂薄為時平疎  
樹葉遲落遠村燈更明題詩雖草草亦足寫幽情

又

村晚歸牛下林昏宿鳥喧微升天際月半掩水邊門衣  
杵悲邊信漁歌斷客魂老人交舊盡此意與誰論

又

客思殘荷外農功晚稻前祭多巫得職稅足吏無權浦

澁家家釣村墟點點煙歸舟葛衣薄始覺是秋天

又

典琴沽市釀賣劔買吳牛雞黍隨時具江山到處留隨  
僧日一浴笑吏月三休安得沅湘客相從賦遠遊

又

心常凝不動形要小勞之活火閒煎茗殘枰靜拾棋曬  
書朝日出丸藥晝陰移意適還休去悠然到睡時

又



曩得治中俸湖山偶卜居身嘗著禾譜兒解讀農書遇事絕欣厭接人均戚踈乾坤雖浩浩等付一蘧廬

又

秋暑雖猶在晨興氣已清蠻童掃荒徑獠婢滌空鎗病樹有凋葉殘蟬無壯聲書生守故態已復理燈檠

又

種樹清陰滿鈔書蠹字穿老身猶在世屈指不知年棄紙儲詩橐長筒聚藥錢一生如一日正可付之天

又

望遠目猶明登高腳更輕  
每思遊赤壁時夢上青城燈  
下書如蟻花前飲似鯨  
古仙曾歷考強半出儒生

又

昨者風雨過浩然天地秋  
年光雙雪鬢生計一漁舟賣  
藥來查浦聽猿到沃洲  
平生畏暑毒八月記初遊

出遊

來往人間不計年  
一枝筇竹雪垂肩  
掃除身外閒名利

師友書中古聖賢支遁山前饒石水葛洪井畔慘風煙  
小癡大黠君無笑買斷秋光不用錢

又

行路迢迢入谷斜繫驢來憩野人家山童負擔賣紅果  
村女緣籬采碧花篝火就炊朝甌飯汲泉自煮午甌茶  
閒遊本自無程數邂逅何妨一笑譁

東窗獨坐書懷

秋毫外物不關心竹塢梅村惜未深蓬戶夜涼燈煜爚

盆山雨潤木蕭森  
潔齋人靜三重沐  
宴坐降魔七縱擒  
但恨圖書闕調護  
不勝鼠齧與蟲侵

書歎

齊民困衣食如疲馬  
思秣我欲達其情  
踈遠畏強聒有司  
或苛取兼并亦豪奪  
正如橫江網一舉孰能脫  
政本在養民此論豈迂闊  
我今雖退休嘗綴廷議  
未明恩殊未報敢自同  
衣褐吾君不可負願治甚  
飢渴

荷鋤

五畝畦蔬地秋來日荷鋤何曾笑爾輩但覺愛吾廬  
膽怯沽官釀瞳昏讀監書區區尚多事未解雜樵漁

病臥

老境偏饒臥秋天不肯晴愁憑書解散病仗藥支撐  
果熟烏鳥樂村深雞犬聲邊頭定何似頗說募新兵

秋夜獨坐聞里中鼓吹聲

收盡浮雲見素娥青天脉脉映明河時平里巷吹彈鬧  
歲熟人家嫁娶多高會不知清夜永散歸想見醉顏酡

小窗燈火晶熒處也有人賡七月歌

老歎

老翁終日飽還嬉常拾兒童竹馬騎食為齒搖艱咀嚼  
冠因髮少易傾歌烏烏歌罷人誰問咄咄書成自不知  
堪笑殘生似蒲柳秋風未到已先衰

草堂

南出湖孺有廢堤草堂只在鸛巢西清風滿榻眠初起  
落葉平溝路欲迷新酒已知迎社熟秋鶯猶作傍簷啼

鄰翁相遇饒言笑共喜年豐米價低

齋中讀書罷有感

少時學問苦匆匆絃誦光陰轉手空聖域淵源雖自力  
故交零落與誰同荒村莫恨身垂老後世元知論自公  
但掩齋扉憑曲几忘憂正在寂寥中

雨欲作步至浦口

雨作千山暗風來萬木號放懷忘世事徐步出亭臯野  
處惟知遯心期不復豪宋清捐善藥須賈遺綈袍寧乞

陶翁食難舖楚客糟精心窮易老餘力及莊騷杖屨時  
行樂鋤耰慣作勞正令朝夕死猶足遂吾高

鏡湖有鳥名水鳧鳴於春夏間若曰打麥作飯偶  
有所感而作

人生天地中賦予各有限所享過所賦鮮不貽後患玉  
食害而家此語禹所難麥飯勿謂薄耕時泥及胔土埽  
竹為挾鹽酪調藜苳吾媿人豈知尚以陋見訕恨亦見  
事遲失腳墮名宦千載梁伯鸞巍然吾無間



自述

早畏危機避巧丸  
長安未到意先闌  
心如老馬雖知路  
身似鳴蛙不屬官  
閒駕柴車無遠近  
旋沽村酒半甜酸  
羣兒何足勞情怒  
胸次從初抵海寬

秋興

晨興秋色已淒淒  
咿喔猶聞隔浦雞  
說與鷹門謝來客  
要察微雨理蔬畦

又

村酒甜酸市酒渾猶勝終日對空樽  
茅齋不奈秋蕭瑟  
蹋雨來敲野店門

又

困儲赤米枝梧飯篋有青糴  
準擬寒政使堆金無處用  
不須常貯一錢看

又

病起殘骸不自支  
旋烹藜粥解饑羸  
一編蠹簡青燈下  
恰似吳僧夜講時

又

莫笑門庭草棘荒也能隨事答年光  
半瓶野店沽醇碧  
一畚鄰園餉矮黃

又

白頭韭美醃藟熟楨尾魚鮮斫鱠成  
却對盤飧三太息  
老年一飽費經營

又

淹速從來但信緣襟懷無日不超然  
喚船渡口因閒立

待飯僧牀得暫眠

又

懲羹吹壘豈其非  
亡羊補牢理所宜  
白頭始訪金丹術  
莫笑龜堂見事遲

又

赫赫能令京兆死  
沾沾正坐魏其愚  
何如陸子山行樂  
臚膊常懸酒一壺

又

放翁老矣欲何之采藥名山更不疑但入剡中行百里  
姓名顏狀有誰知

又

樵客高僧兩斷蓬偶同煙榜泛秋風栖賢雪夜匆匆別  
豈意相逢在剡中

又

鼉鼓華鯨響寺廊殘蕪落葉弄秋光蹇驢繫著門前柳  
閒覓題名拂敗牆

秋夕書事

秋夕初多露，漁家半掩扉。  
鵲飛山月出，犬吠市船歸。  
影瘦悲形瘁，冠偏感髮稀。  
眼中無宿土，老我欲疇依。

又

寂寂青楓岸，蕭蕭白版扉。  
端居常嬾動，偶出却忘歸。  
時泰徵科簡，師還驛置稀。  
江村日無事，煙火自相依。

薄粥

薄粥枝梧未死身，飢腸且免轉車輪。  
從來不解周家意。

養老常須祝鯁人

拄杖

吾常評拄杖妙處在輕堅何日提攜汝同登入峽船

小築

小築清溪尾蕭森萬竹蟠菴廬雖偏仄庭戶亦平寬摘  
果觀猿哺開籠放鶴盤澹然還過日無處著悲歡

又

小築隨高下園池皆自然鋤山得靈藥斲坎遇寒泉幽

檻花房斂淡林果蒂駢鄰翁亦好事相伴送流年

一編

一編垂首北窗前皎皎寧當逐物遷道有廢興何與我  
心無媿怍始知天昔嘗西戍八千里今復東歸三十年  
死去雖無勲業事九原猶可見先賢

埭北

煙村湖埭北魚市廟壩東急雨時時作輕舟浦浦通  
芻聚津口簫鼓鬧林中烏樵禁愁得來朝數葉紅



風雨

殘暑時當盡清風勢自回重雲韞日月大雨挾風雷老  
樹不自保毀巢吁可哀却愁新雁到莫境更禁催

解嘲

心如頑石忘榮辱身似孤雲任去留酒瓮飯囊君勿謂  
也勝滿腹貯閒愁

識喜

本自怕沾京洛塵固應不吐相君茵偶逃鼯作鯨吞地

幸保詩狂酒病身傲世曾歌楚人鳳著書久絕魯郊麟  
山村二試筇枝興風月秋來正一新

寓興

窮巷無來客秋風獨浩歌壯年閒處老佳日病中過甚  
欲攜長鏡仍思擁短蓑逢山皆可隱不必上三峩

老馬行

老馬虺隤依晚照自計豈堪三品料玉鞭金絡付夢想  
瘦稗枯萁空咀噍中原蝗旱胡運衰王師北伐方傳詔

一聞戰鼓意氣生猶能為國平燕趙

農家

吳農耕澤澤吳牛耳溼溼農功何崇崇農事常汲汲冬  
休築陂防丁壯皆雲集春耕人在野農具已山立房櫳  
鳴機杼煙雨暗簑笠尺薪仰有取斷屨俛有拾洪水昔  
滔天得禹民乃粒食不知所從汝悔將何及孩提同一  
初勤惰在所習周公有遺訓請視七月什

對酒作

齒落不廢嚼足跛尚能履書生之所遭僥倖有如此自知窮事業元不直杯水徒行若車安蔬食如肉美或時得斗酒亦復招鄰里不肯歌烏烏行矣呼起起

秋分後頓淒冷有感

今年秋氣早木落不待黃蟋蟀當在宇遽已近我牀況我老當逝且復小徜徉豈無一樽酒亦有書在傍飲酒讀古書慨然想黃唐耄矣狂未除誰能藥膏肓

即事示子適

四十已悲非少年  
耄期何事每歡然  
遊山夜雨眠僧院  
沽酒秋風上釣船  
諸友詩章來疊疊  
小兒筆勢亦翩翩  
眼邊不是常蕭索  
終憶巢居訪老仙

青城上官道人結  
巢古松杪數十年

### 醉中絕句

有山有水登臨地  
無病無愁歎傲身  
世念秋毫除未盡  
麴生應恨白頭新

又

左殮右粥年年飽  
南陌東阡處處閒  
幸免催租敗幽興

豈容對酒惜酖顏

種麥

墾地播宿麥飯牛臨野池未能貪佛日正恐失農時  
矻矻鋤耨力勤勤祝史辭嘉平得三白吾飽豈無期

秋晚

梧桐落井牀蟋蟀在書堂徂歲聿云莫攬衣慨以慷  
一生常蹭蹬萬事略更嘗賴有銘心語南華論坐忘

又

身世呻吟裏園廬寂寞中家貧憂酒券才盡畏詩筒  
陂水瀦猶滿山苗穫欲空兒孫更力作勿媿禹遺風

秋穫後即事

多稼如雲接百城村村鼓樂賽西成頓寬公賦私逋責  
一洗兒啼婦歎聲社酒粥醲供晚酌秋菰玉潔毛晨烹  
放翁醉飽摩便腹自炙毫甌試雪坑

又

秋穫春耕力尚餘雨中襜褕種寒蔬築居正可茨生草

出市何妨借蹇驢老境朝晡數匙飯腐儒生死一編書  
敲門忽有岷山使慚愧交情未作踈

是日得張季長書

### 行飯至湖上

行飯消搖日有常青鞋又到古祠傍殘蕪滿路無多綠  
落葉投空不待黃只道詩書能發冢豈知博籥亦亡羊  
此身只合都無事時向湖橋看戲場

### 晨出

昧爽睡饜足起扶藜杖行關山開曉色草木度秋聲市



晚船初發奴勤地已耕道邊多野菜小摘助晨烹

老境

一生幸免踐危機老境還山飽蕨薇智士固知窮有命  
達人元謂死為歸臨窗蜀紙謄詩草出戶郿條繫褐衣  
堪笑街頭小兒女問予君是伯休非

憶昔

憶昔梁州夜枕戈東歸如此壯心何蹉跎已失邯鄲步  
悲壯空傳勅勒歌今日扁舟釣煙水當時重鎧渡冰河

自憐一覺寒窗夢尚想  
浯溪石可磨

自嘲

清心不醉猩猩酒省事  
那營燕燕巢惟有著書  
殊未厭  
算年鐵硯亦成凹

解嘲

我生學語即耽書萬卷  
縱橫眼欲枯莫道終身  
作魚蠹  
爾來書外有工夫

新寒

小雨戒新寒  
衡節已怯寬  
甌香炊紫角  
門靜挂黃團  
杖穿茶塢移  
舟傍釣灘  
欲知秋有信  
霜鬢不勝繁

夜歸

野店晡炊飯  
溪橋夜據鞍  
天回河絡角  
海闊斗闌干  
牧舍牛生犢  
蔬園犬逐獮  
今年時序早  
九月已清寒

夢中作

萬里行求藥  
三生誓棄官  
鶴巢投算宿  
松麩續朝餐  
進火金丹熟  
凌風玉宇寒  
人間日月速  
歲歷又將殘

自勵

中年已懼小人歸況是駸駸耄及時氣憤欲歸思友助  
學衰不進賴兒規無功追媿清時祿有命何憂晚節飢  
羸病今年能未死潛心更下董生帷

九月一日未明起坐

病骨清羸八十餘空齋淒冷五更初忽聞雲表新來雁  
起讀燈前未竟書坐久屢傳雞喔喔夢殘猶化蝶蘧蘧  
農功漸畢身無事約束家童種晚蔬

小疾偶書

書生本願致時康，自怪秋來疾在牀。  
胸次豈無醫國策，囊中幸有活人方。  
但知元氣為根本，正使長生亦糝糠。  
豎子何勞一除掃，區區猶欲恃膏肓。

初寒晨起

推枕悠然起，寒燈誰與同。  
曉窗俄已白，宿火尚能紅。  
老境呻吟外，年華寂寞中。  
長飢亦可恨，聊復固吾窮。

霜降前四日頗寒

草木初黃落風雲屢闔門兒童鋤麥罷鄰里賽神回鷹  
擊喜霜近鶴鳴知雨來盛衰君勿歎已有復然灰

題驛壁

輪囷古柳驛門前糴米歸遲突未煙隨計入都今四紀  
驢寒僕瘦只依然

閒遊

大冠長劔已焉哉短褐禿巾歸去來五世業儒書有種  
一生存運仕無媒麥經小雨家家下菊著新霜處處開

自笑閒遊心未歇青鞋蹋碎白雲堆

貧舍寫興

深山木食猶堪飽上古巢居亦自安  
麥飯草廬吾已過故應高卧有餘歡

又

粲粲新霜縞瓦溝離離寒菜入盤羞  
贅童擁篲掃枯葉

賸婢挑燈縫破裘

贅賸皆紀實

秋晚雨中作

新雁南來歲又殘  
蕭蕭風雨暗江干  
客疎似悉爾來病  
酒薄不禁如許寒  
草絡籬頭花尚碧  
樹當浦口葉初丹  
醉來且擁黃紬睡  
莫問何時后土乾

待旦

晨光殘淡月急點殺寒  
更歷歷記孤夢悠悠帶宿醒  
攬衣推枕起亂髮  
遶牀行歎息人間事還隨初日生

夜意

浮雲掃盡天如水  
十里疎鐘到野堂  
窗紙月明人不睡



屋茅霜冷夜初長  
歸休固已師沮溺  
承學猶能陋漢唐  
安得子孫常念此  
不妨世世業耕桑

湖村

四十來居湖上村  
翩翩七見改初元  
風梢解籜竹過母  
露葉成陰桐有孫  
渴鹿出林窺藥井  
馴鷗掠水傍棊軒  
老人不用誇頑健  
時看孫曾浴畫盆

連夕熟睡戲書

投幘塵機息捐書  
困味長早眠猶有日  
晚起已無霜蝶

入三更枕龜楮八尺牀昏昏君莫笑差勝醉為鄉

小軒

礎杵聲中去日道小軒風露一簾秋人間走徧心如石  
分付寒蟬替說愁

曉寒

悠悠殘夢伴殘更萬木風號曉氣清雞唱欲闌聞井汲  
月痕漸淺覺窗明突煙騰碧炊初動衣焙推紅火已生  
小閣翻書裘褐暖早朝霜滑媿公卿

次韻朝陵葉院察見寄

憶昨翩然別衆仙，秋風吹鬢感凋年。  
虛齋無復客滿座，敗橐空餘詩百篇。  
高誼未忘林下約，清吟重結社中緣。  
不教落在塵埃地，萬頃煙波一釣船。

書意

巢山遠下溼止酒，謝中乾麤得養生。  
妙孰能非意，干挂冠身始貴屏。  
藥疾方安自笑猶多事，時時把釣竿。

九月下旬即事

霜晚知麩熟山寒喜酒醲黃絲聽夜織赤米看晨舂  
藥扶持老收薪準備冬兒扶還客拜顧影歎龍鍾

城南

城南亭榭鎖閒坊孤鶴歸飛只自傷塵清苔侵數行墨  
爾來誰為拂頽牆

舟中記夢

石帆山下一漁翁風雨蕭蕭臥短篷幽夢覺時還自笑  
閩州城北看蠶叢

送周郎

我居山陰古大澤四顧茫茫煙水白  
平時轍跡所不到玉樹郎君肯來客  
衡門僅可俛首過陋室真成容膝迮  
木盤設食菜數箸共飽知君不予責  
期年相從無夜旦一日復有千里隔  
送君津頭淚如綆老身恨不生羽翮  
江湖道嶮非一二觸處兢畏真良策  
從今日望平安書我欲燈前手親拆

村舍得近報有感

莫謂山村僻時聞詔令傳寬民除宿負募士戍新邊霜  
重瓦欲裂月明人少眠殘年抱遺恨終媿祖生鞭

貧歎

老叟年年病書生世世貧盜寧窺破橐雀亦棄空困屋  
壞須撐拄衣穿厭補紉今朝風日美且復過比鄰

明日復作一首自解

霜寒衣絮薄日暮爨煙微冀北馬空老遼東鶴幸歸飄  
零舊交少衰疾壯心違每顧兒童笑吾貧未解圍

子虞調官行在寓齋團巷初冬遽寒甚作兩絕句  
寄之

歲晚江湖行路難一樽何日共開顏  
汝方僵臥齋團巷我亦飢吟飯顚山

又

知汝彈冠意易闌苦貧未免覓微官  
齋團巷口殘燈火愁絕霜風十月寒

劔南詩藁卷六十八

欽定四庫全書薈要卷一萬五千五百五十九

集部

劔南詩彙卷六十九

宋 陸游 撰

初冬步至東村

八月風吹粳稻香  
九月蕎熟天始霜  
男耕女饁常滿野  
宿麥覆塊皆蒼蒼  
豐年比屋喜迎客  
花底何曾酒杯迓  
家人但覓浩歌聲  
不在東阡在南陌

南門散策



結宇溪一曲兩山左右之橫木以為門斷竹作短籬本  
無剝啄客門牡固不施甃路壞莫補石罅生棘茨野蔓  
不知名丹實何累累村童摘不訶吾亦愛吾兒

又

槐楸陰最茂秋晚惟空枝今日晴無風散步適其宜右  
扶青溪杖左挾斜川詩石琢四腰鼓可以休我疲清言  
出正始不雜世論卑野僧何處來成此一段奇

思北鄰韓三翁西鄰因菴主南鄰章老秀才

韓翁生不識官府半醉長歌老煙浦因師老乃學長齋  
白飯青蔬自炊煮三君要是可喜人未嘗一語欺其鄰  
有過無過姑置之後生孰能如此真

又

鄉間耆宿非復前老章病死今三年朝來出門為太息  
不見此翁催社錢我比翁雖差識字向來推擇嘗為吏  
事功自計無一毫尚不如翁終日醉

二毀

茶杯得之久石硯日在前一朝忽墜地質毀不復全附  
著以膠漆入用更可憐杯猶奉飲歎硯不廢磨研向使  
遂破碎亦當歸之天動心則不可此物何足捐

大風不能出戶

昨日欲出病見留今日可出風復作室虛窗白爐火暝  
閉戶幸有圖書樂一杯淡粥飽則已下箸豈復思藜藿  
山禽念我太寂寥故作叩門聲剥啄

晚菊

蒲柳如懦夫望秋已凋黃菊花如志士過時有餘香  
眷言東籬下數株弄秋光粲粲滋夕露英英傲晨霜  
高人寄幽情采以泛酒觴投分真耐久歲晚歸枕囊

舍南雜興

浙浙算風生暉暉殘月明開門喜閒望扶杖得徐行  
霜薄樹多綠泉流溝有聲兒童殊可念畫地作棋枰

又

莎徑依山曲柴扉竝水開不因行藥出即為覓詩來  
戒

婢挑蔬甲催兒斲芋魁隨宜也能飽漂母未須哀

又

麻菽連枝熟柴荆盡日關臨池驚鷺起倚柱待雲還倦

憩石腰鼓行攜銅博山老人無定意所到即開顏

石工琢石

作杖鼓樣以坐

自詒

足蹇須人慣顏衰著屨多飯遲惟靜臥酒至亦高歌蝗  
死繁蔬甲霜清長藥窠經旬鄰父病且喜復來過

又

莫笑幽棲僻謀生亦未疎殘困具薄粥半俸補殘書均  
節貧無患安恬疾可除雖云苦寒近隨手蓄薪樗

風霜

天上風霜慘人間日月道江湖南北雁原野雨晴鳩莽  
蒼新阡陌凋零舊輩流惟應赤藤杖伴我送悠悠

十月

紅樹平沙十月天放翁今作水中仙  
蓼蓼林外迎神鼓

隻隻溪頭下釣船  
世事極知吾有命  
俗人終與汝無緣  
菊花枯盡香猶在  
又付東籬一醉眠

記夢

久住人間豈自期  
斷砧殘角助淒悲  
征行忽入夜來夢  
意氣尚如年少時  
絕塞但驚天似水  
流年不記鬢成絲  
此身死去詩猶在  
未必無人麤見知

幽興

池水車初滿  
荆籬補已成  
身閒詩簡淡  
心靜夢和平  
雁

後寒鷗至楓先舊葉賴居然足幽興未歎歲崢嶸

夜聞雨聲

我似騎驢孟浩然帽邊隨意領山川忽聞風雨掠窗外  
便覺江湖在眼前路過郵亭知幾處身如估客不論年  
未妨賸擁寒衾臥羸取孤吟入斷編

訪山家

捨舟步上若耶溪壽櫟修藤路欲迷僧院倚山馴栗鼠  
野塘漲水下芟雞草侵古路迢迢遠雲傍行人故故低



薄算但尋遺，毳去山家正在鶴巢西。

自法雲回過魯墟故居

枳籬數掩閉柴扉，白碓聲中煙火微。  
雪暗杜陵無雁下，雲迷遼海有人歸。  
耕疇且復償初願，官路那知脫駭機。  
更有冬來歡喜事，芋魁豆兩不勝肥。

旅舍

寺鐘吹動四山昏，繫纜來投江上村。  
木落不妨生意足，水歸猶有漲痕存。  
爐紅手暖書差健，鼎沸湯深酒易溫。

勿為無年憂寇竊信信小犬護籬門

書几試筆

鬢毛蕭颯齒牙疎九十侵尋八十餘  
屋小苦寒猶省火窗明新霽倍添書  
解梁已報偏師入上谷方看大盜除  
藥笈著囊幸無恙蓮峰吾亦葺吾廬

偶見報西師復關中郡縣昔予常有

卜居條華意因及之

道室偶書

置身常在結繩前縱未登仙亦永年  
秦不及期周過歷

灼然由我不由天

觀渡江諸人詩

中朝文有漢唐風南渡詩人尚數公正使詞源有淡淺  
病懷羈思亦相同

村居閒甚戲作

人厭塵囂欲學仙上天官府更紛然不如嘯傲東籬下  
且作人間過數年

又

題詩本是閒中趣，却為吟哦占却閒。  
我欲從今焚筆硯，興來隨分看青山。

夜投山家

驀溝上阪到山家，牧豎鷹門兩髻丫。  
葑火正紅煨芋熟，豈知新貴築堤沙。

又

夜行山步鼓鼙鼙，小市優場炬火紅。  
喚起少年巴蜀夢，宕渠山寺看蠶叢。

又

生草茨廬荆作扉數家煙火自相依大兒銅犢舍邊去  
小兒捕魚溪口歸

又

房櫳涑涑績火明垣屋蕭蕭礮若穀聲作官覓飽最繆筭  
羨爾為農過一生

聞西師復華州

西師驛上破番書鄠杜真成可卜居細肋臥沙非望及

且炊黍飯食河魚

又

青銅三百飲旗亭  
關路騎驢半醉醒  
雙鷺斜飛敷水綠  
孤雲橫度華山青

舟中

捩拖柯橋北維舟  
草市西月添霜氣  
峭天帶斗杓低浦  
凍無魚躍林深有  
鶴棲不嫌村酒惡  
也復醉如泥

得趙昌甫寄子及子通詩

去國雙蓬鬢還山一鹿車  
壯慙稽古淺老悔養生疎  
俗態慵開眼高吟獨起予  
青燈對余子併為問何如

飯後登東山

飯已茶未成褰裳步山徑  
雖云筋力衰拄杖猶濟勝  
天高樓堦麗霜落溝港淨  
豈惟野實丹已覺林筍迸  
井桐亦強項葉脫枝愈勁  
啼鳥久不去將無助幽興  
盤紆穿翠谷歌反下危磴  
所嗟無客來誰與持塵柄

東村

今日風日和衰病亦少平出門無所之攜幼東村行吳  
地冬未冰濺濺溝水聲山卉與野蔓結實丹漆并雞犬  
亦蕭散如有世外情舉手叩柴扉病叟喜出迎從我語  
蟬聯未寒疇昔盟解囊付之藥與爾偕長生

石堰村

木落山不蔽水縮洲自獻寒日晚更明村巷曲折見小  
婦鳴機杼童子陳筆硯農家雖苦貧終勝異鄉縣君看  
宦遊子豈無墳墓戀生死在故鄉切勿慕蔡傳



袖手

袖手地爐傍身閒日自長  
窗明蠹簡字簾約篆盤香  
道士傳琴譜山僧送藥方  
自然塵事遠不用濯滄浪

幽居遣懷

大患元因有此身正須枵腹對空  
困扶持接客寧嗟老  
質貸迎醫未厭貧  
碓下罕遺雞啄粒  
席間不掃鼠行塵  
時時笑顧兒曹說  
縱有煙霄莫問津

又

斜陽孤影歎伶仃  
橫桹烏藤坐草亭  
閒久更知貧有味  
病多那責藥無靈  
農書甚欲從師授  
忍字常須作座銘  
更喜友生能餉酒  
欣然一醉倒長瓶

東陽郭希呂  
餉石洞酒

又

習氣深知要掃除  
時時褊忿獨何歟  
呼童不應自生火  
待飯未來還讀書  
世態詎堪閒處看  
俗人自與我曹疎  
作詩未必能傳後  
要是幽懷得小攄

湖上晚歸

蓬山再別四經秋來日翩翩去日道無酒可傾殊省事  
有詩渾忘亦良籌梅花遮路如撩客榭葉飄風已滿溝  
湖上榜舟歸薄暮斜陽紅入寺家樓

宿村舍

驢瘦童僵小作程村翁也復解逢迎霜林已熟橙相餽  
雪窖初開芋可羹土榻圍爐豆稽暖荻簾當戶布機鳴  
解囊自取殘編讀何處人間無短檠

村飲

雪前雪後梅初動  
街北街南酒易賒  
身健不妨隨處醉  
有家未必勝無家

又

醉插江梅老更宜  
猶能小樹揀繁枝  
假令住世十小劫  
應愛此花無厭時

食野味包子戲作

珍餉貧居少寒雲  
萬里寬疊雙初中  
鵠宰九已登盤放  
箸摩便腹呼童破  
小團猶勝瀼西老  
菜把仰園官

醉中作

名醞羔兒拆密封香粳玉粒出新春披綿珍養經旬熟  
斫雪雙螯洗手供吟罷欲沉江渚月夢回初動寺樓鐘  
爐煙裊裊衣篝暖未覺家風是老農

感老

人生六十已為衰況我頽齡及耄期對酒尚如年少日  
愛書不減布衣時遠遊每動辭家興大藥方從出世師  
但向青編觀曩事英雄何代不兒嬉

寺壁偶題

斷山支徑得行吟，度磴穿林不厭深。  
雉挾兩雌飛谷口，鳥將數子下牆陰。  
前三喜接高人語，方寸寧容俗慮侵。  
少待新春好風日，不妨攜客更相尋。

贈道流

羽人邂逅飲旗亭，自說經年醉不醒。  
曾伴翰林遊赤壁，仍邀內史寫黃庭。  
古琴蛇蚶評無價，寶劔魚腸託有靈。  
太華何時尋此約，九霄風露宿青冥。

冬夕閒詠

柳眼梅鬚漏泄春江南又見物華新終年幽興遺身世  
半夜孤吟愴鬼神客有疎親俱握手酒無賢聖總濡唇  
放翁自命君無笑家世從來自散人

飯後自嘲

歲熟家彌困天寒酒闕傾僅能炊稻飯敢望糝藜羹一  
榻解腰臥四廊摩腹行詩人要疎瘦此日媿膨脝

感舊

憶昔初瘞上峽船雪灘雲岫過聯翩忽忽不暇尋高隱

遺恨於今四十年

扇子峽  
有隱士

又

雕鞍送客雙流驛銀燭看花萬里橋三十三年真一夢  
茆簷寒雨夜蕭蕭

村老留飲

瘞興出遊眺初不言所之家人固難求我亦不自知投  
杖却人扶疾步莫能追荒野廟孺枯涸漚管池過門



爭邀留具食不容辭濁醪小瓮釀香飯別甑炊瓦盆進  
豚肩石臼擣花餐新冬不易見醉倒理亦宜舉手謝主  
人外強中實衰一觴可以起它日更為期

醉歌

草書大叫寫成圖博塞隨聲喝作盧何似即今雲海上  
千鈞強弩射天吳

又

百騎河灘獵盛秋至今血漬短貂裘誰知老臥江湖上

猶枕當年虎髀

力耕

力耕歲有一困米殘俸月無三萬錢莫怪窮空心不動  
正緣愚拙氣差全學經疊疊懸車後秉禮拳拳易篋前  
猶恨未能忘筆硯小兒收拾又成編

子通編子詩續彙  
成四十八卷卷有

百篇

春近

開禧忽見第三春身寄楓林野水濱吾道幸逢天道在

物華又與歲華新  
郊原處處堪行樂  
道路人人可問津  
剗辦青鞵并布襪  
若耶已報綠生鱗

夜坐聞鼓聲

村居樂飲鼓鼙鼙  
亭障無虞歲屢豐  
誰道喧呼妨熟睡  
老人自愛地爐紅

小室

地褊焚香室窗昏釀雪天  
爛炊三餠飯側枕一肱眠  
身似嬰兒日家如太古  
年狸奴不執鼠同我愛青氊

老景

老死知無日天公偶見寬疾行逾百步健啖每三食身  
瘦短裁褐髮稀低作冠年來更小黠不據伏波鞍

夜坐

地僻少人跡屋低便老人爐紅得清坐酒綠熨孤斟吠  
犬驚飄葉栖禽換暗林人間固多難感槩不須淡

晨起

小疾蠲除盡閒愁墾闢空時光雞唱裏生計碓聲中戒

婢儲猿果看奴織鶴籠老人新得道處處見神通

貧述

寒生肌粟苦衣單瘦減頭圍覺帽寬  
荒寂在家猶逆旅窮空養老亦蔬餐  
柴青竈突騰煙細膏盡燈缸照字難  
猶喜新醅三斗熟半窗梅影助清歡

自述

勃落為衣隱薜蘿掃空塵抱養天和  
過期未死更強健與世不諧猶嘯歌  
野市蕭條殘葉滿酒家零落廢壚多

石帆山下孤舟雨借問君如此老何

十一月廿七日夜分披衣起坐神光自兩眚出若  
初日室中皆明作詩志之

靈府無思踵息微神光出眚射窗扉大冠長劔竟何有  
尺宅寸園今始歸憂患過前皆夢事功名自古與心違  
三峰二室煙塵靜要試霜天榭葉衣

歲暮遣興

昔慕騷人賦遠遊放懷蜀棧楚山秋橘中尚可著四老

海外誰云無九州薄酒時須澆舌本閒愁莫遣上眉頭  
幅巾短褐吾差便實厭衣冠裹沐猴

又

病著愁侵併不支孤村況遇歲殘時水軒客散成舒嘯  
山寺僧來得劇棋銅鴨香生風嫋嫋竹雞聲斷雨絲絲  
新詩煅煉功何似問著衰翁自不知

道室即事

看盡吳山看蜀山歸來不減舊朱顏宣和遺老凋零盡

況說祥符景德間

又

松根茯苓味絕珍  
甌中枸杞香動人  
勸君下筋不領略  
終作却山一窖塵

又

徧遊海嶽却歸秦  
除却南山萬事新  
長劔高車何足道  
金人十二也成塵

又



黃金堆屋無處用  
甲第連雲誰與居  
莫笑先生無僕馬  
風雷萬里跨鯨魚

泛舟過金家埂贈賣薪王翁

水生浦溼多浮鴨  
風急汀洲有斷鴻  
渺渺江天無限景  
一時分付與樵翁

又

老人不復事農桑  
點數雞豚亦未忘  
洗腳上牀真一快  
稚孫漸長解燒湯

又

賣薪自可了鹽酪治地何妨栽果蔬我老鈍頑請平半  
俸比渠只有不能如

又

輒炊豆飯可支日厚絮布襦聊過冬問巷家家歌聖澤  
子孫世世業春農

冬晴

歲算常年雪正豪今年暄暖減綈袍春回山圃梅爭發

睡足茆簷日已高  
倉庾家家儲舊穀  
笙歌店店賣新醪  
太平氣象方如許  
寄語殘胡早遁逃

寄隱士

乳竇寒猶滴巖扉  
夜不扃奇書窺鳥跡  
靈藥得人形浩  
浩天風積冥冥海氣清  
儻逢王內史更為乞黃庭

幽事

老大常愁節物催  
東皇又挽斗杓回  
江天慘慘不成雪  
山驛蕭蕭初見梅  
隱士寄雲從地肺  
遊僧問路上天台

戲書幽事無時闕古錦詩囊算算開

去新春纔旬餘霽色可愛

宦遊強半侍僊祠況是懸車耄及時厚薄人情窮易見  
陰晴天氣病先知綠樽一醉真當勉白髮千莖莫自疑  
野渡山村梅柳動身閒何處不熙熙

作雪遇大風遂晴

雪作風散之雪止風亦定霽日上窗扉明暖起我病去  
春財十日共喜時序正晨興盥頰罷白髮滿清鏡門前

無客至默臥弄塵柄叢竹如有情代我發孤詠

冬夜

我生何多難塌地皆九折君恩許歸休幸與世俗絕幽  
居鄰不覲奚止掃車轍地爐清夜中危坐燈欲滅開門  
月滿庭皓皓如積雪隔溪聞鶴鳴靈符為澄澈

書意

飲酒以散愁服藥以去病區區賴外物豈足語性命清  
晨坐堂上萬事一袖手愁病初無根孰謂藥與酒掀髯

笑嵇阮舉袂謝和緩氣住則神住時至骨自換

又

解牛悟養生牧羊知治民通一萬事畢我每思古人小  
園財三畝手自藝嘉木先當培其根又戒無欲速老松  
臥澗底千歲陵冰霜我豈樗櫟哉但取無伐傷

又

唐堯授人時妙用均造化我讀七月詩周室亦其亞彼  
用治四海我歛之一身至理之所在太山等微塵鍊氣

以成真豈復有它術譬如尊六經百氏當盡黜

山房

擾擾人間歲月移山房幾度換茅茨身遊與世相忘地  
詩到令人不愛時老鶴初來未丹頂穉松親種已虬枝  
東塗西抹非無意皺面朱鉛太不宜

即事

老來百事似嬰兒美睡甘餐只自知陋屋略如營窟世  
淳風不減結繩時

又

鴻冥固自辭  
矰繳樗散猶能謝  
斧斤況是深山幽絕地  
有人高臥百重雲

又

閒行靜坐樂誰知  
紅飯青蔬美有餘  
常笑癡人不更事  
時時愁歎欲何須

又

有人叩戶皆吾友  
得屋施牀即我家  
緩步東西行飯耳



元非看竹探梅花

又

了事如何省事奇無心始覺有心痴三更急雨打窗破  
正是擁爐危坐時

又

高人鬻駱放柳枝豪士駿馬換蛾眉人間解事誰如我  
小蹇小童自謂宜

戍兵有新婚之明日遂行者予聞而悲之為作絕

句

送女怱怱不擇日綵繞羊身花照席算婚晨別已可悲

猶勝空房未相識

俗有夫出未返而  
納婦謂之空婦房

又

夜靜孤村聞笛聲溪頭月落欲三更不須吹徹陽關曲  
中有征人萬里情

夢中作

野鶴翩僊啄粒微碧桃縹緲著花稀海山又見春風到

丹竈苔封人未歸

啜茶示兒輩

圍坐團縈且勿譁飯餘共舉此甌茶麤知道義死無憾  
已迫耄期生有涯小圃花光還滿眼高城漏鼓不停撾  
閒人一笑真當勉小榼何妨問酒家

雨中示鄰里

寒風吹細雨白晝見日罕經旬廢讀書天豈成我嬾比  
鄰各無聊會面苦不欵未嘗燒茶鐺而況把酒盃高談

極奇趣散去意亦滿癡點未易名要是工用短

記出遊所見

我行初無折簡招出門十里未覺遙憩裝蕭蕭北崦寺  
策蹇渺渺西村橋眉頭那可遣愁到舌本正要著酒澆  
寒風朝作入裘褐荒祠算過奠桂椒平郊煙斂見聚落  
細路日落逢漁樵安得丹青王右轄為寫此段傳生綃  
立春前七日聞有預作春盤邀客者戲作

蓼芽蔬甲簇青紅盤筋紛紛笑語中一餅不分空恨望

算年知有幾春風


春前六日作

夜枕夢回春雨聲  
曉窗日出春鳥鳴  
典衣沽酒莫辭醉  
自有梅花為解醒

劔南詩藁卷六十九

謹案卷六十九第十八頁後七行東皇又挽斗杓  
回刊本杓作柄據宋詩鈔改





總校官庶吉士臣張能照

校對官編修臣裴謙

謄錄監生臣金拔